


Discount 商鋪折扣優惠

Freshmen 注意事項

交通指南



GO! SNAKER!

港大  
地圖

西環食嘢有乜隆路?

Social Sciences  
Society  
hkusu  
Orientation  
2001

# Go!

動詞 verb

-幹得好,成功

-去,行進,前進,往前走

例子：一、二、三,開始 one two three go!

-傾力而為

名詞 noun

-幹一下,試一下,試著做

例子：輪到你了 it's your go

-精力,活力,勁頭,熱忱

例子：**他勁頭十足 HE HAS**

**PLENTY OF GO IN HIM!**

-成功

例子：有把握的成功 a sure go.

一言為定 it is a go.

形容詞 adjective

-準備好的

-一切正常的,可隨時開始的

-鼓足幹勁,全力以赴

-開始幹,賣力地幹

-大有幫助,起很大作用

-喜歡;支持,贊成

-瘋也似的投入,不要命地去!

# 目錄

前言	1
學院及學會簡介	3
三蛇之家	4-8
蛇洞	4
三蛇福利	4-7
蛇網	8
你要識得「港」	9-10
你地頭	11
你要識做呢!	12
三蛇迎新 2001	13
識飲識食	14-15
好來好往	16-17
小玲日記	18
我哋有嘢要講	19-25
鳴謝	26-28

## 香港大學社會科學學院簡介

社會科學學院成立於1967年，由社會學系、心理學系、政治及公共行政系、統計及精算學系、社會工作及社會行政系所組成。現任的院長是陳麗雲教授。學院的辦公室位於明華綜合大樓104室。

## 香港大學學生會社會科學學會簡介


本會俗稱「三蛇」，是港大十個院會(Faculty Society)之一。本會成立於1968年，至今已有32年歷史。由於院會是行必然會員制的，因此，所有社會科學學院的同學都係我地既會員。本會現有約900名會員。本會的成立目的是為會員提供福利和籌辦活動，並同時推廣同學對社會科學和社會事務的關注。另外，本會有五個屬會，分別是心理學學會、社會學學會、政治及公共行政學會、統計及精算學會和社會工作學會。

# 三蛇之家

地點：  
梁銑琚樓 LG111  
開放時間：  
逢星期一至五  
10:00至18:30



三蛇會房真寬敞；  
仲有寶物四圍藏。  
影印服務平開巷；  
報紙雜誌任你看；  
免費電話俾你講；  
想 send fax 都有“行”。  
壁佈有齊新資訊；  
體育、時事快又準。  
蛇房日日鬧哄哄；  
閒時逛逛唔怕遜。



舒服沙發、影印機、  
免費電話 Notice Board

免費 fax



報紙 & 雜誌

三

蛇

福

利



嚟 Soc 房 shopping?  
=> 價廉物美!



壹本便利  
壹週刊  
飲食男女  
爭鳴  
PC Home  
Nonno  
天下  
明報  
南華早報

會員價

非會員

精美 soc 紙	\$10	\$12
A4 紙 (100 張)	\$4	\$5
高影片	\$3	\$4
影印	\$0.15	\$0.2
郵票	\$1.3	\$1.3
傳真	free	free

## 蛇友 shopping 有著數

三蛇會員只需於以下商店出示會員証，就可享有下列優惠。優惠期直至二零零二年一月三十一日。各位蛇友咪執輸喇！

大學附近

## 創業中心商場

菲菲時裝	All items 10% off	1/F No.F66	26171299
太和公司(服飾)	20% off	1/F No.95	
美琪時裝	20% off		
Ginza House	5%-10% off	1/F No.F22	
惠惠首飾	15% off	1/F No.F67	
麗圖彩色沖印公司	原筒沖晒 10%off	G/F No.89-90	26171660
視力健專業眼鏡中心	鏡架 40%off 再 10%off, 鏡片 10%off, 長戴 contact Lens 買一送一	G/F No.83	29151423
笑咪咪服裝店	10% off	G/F No.07	

## 華明中心

白糸之瀧	10% off	No.301-302	21084119
開心天使	滿\$200 20% off 手工藝班滿 15 人 學費 20% off; 滿 50 人 學費全免	No.331B	25462763
恆發文具精品	10% off 除影印	No.311	25466287

## 其他

欣藝書店	\$100 2% off \$150 5% off \$200 10% off \$500 15% off	水街 No.47	
Copy 26 Centre	15% off		

旺角

潮流特區

Sports Library	85% ~ 95%	No. 82	23855922
Teenagers	All items 10% off	No. 87	21318183
Olympic	10% off	No. 225	21361990
Tokyo Walker	All items 10% off	No. 217	23322068
Sports Express	10% off (except shoes)	No. 325	21368124

新天地

Joey's	All items 10% off	No. 116	
Fashion Fashion Co.	10% off	No. 119	
衣之舍	All items 10% off	No. 115	
Second In Trend	10% off	No. 117	
Fente	All items 10% off	No. 120	
Bubble House	All items 10% off	No. 123	
G&S Gift Shop	All items 10% off	No. 113	98788263
智藝會	10% off	No. 127	

銅鑼灣

e-cup fashion	All items 10% off	金百利	
Kitty house gift shop	10% off	金百利	
Jadis One Collection	10% off	金百利	28948715



尖沙咀

## Update Mall

Migo	10% off	No.102	
自遊日 Tokyo Freemarket	滿\$50 10% off	No.69	21913288
Nice-nice company	All items 15% off	No.48	23687831
X Add Y	10% off	No.9	23686305
飾之一族	10% off	No.92	23955691
detente	All items 10% off	No.75-78	23679931
Citywise company	All items 10% off	No.91	27065411
Angel	滿\$100 15% off	No.197	23167110

## 利時

古典	10% off 訂造除外	No.615	23012967
PAYEE	All items 15% off	No.606	23662309
Infiniti	15% off	No.135	23127399
Step 01	15% off 鞋除外	No.236	23113635
FITTER	10% off	No.321	
Thankful shop	Buy3get1free Buy1 10% off	No.422	23117108
For	10% off	No.409	
Sister Mary	10% off	No.421	23113390


## 百利

Natural	10% off	No.634	
LA BELLA	20% off	No.196	2311278
ONE+TWO	10% off	No.118	
L.Fashion Co.	All items 10% off	No.219	23148270
J.D CLUB	20% off	No.6	
HENRY'S COLLECTION	10% off	No.641-42	27369853
DEVIL	10% off	No.212	27305113



蛇

網



本會的網頁內容豐富，不單只有本會的資料，還有其他相關的連結。以下簡介一些較為為人熟悉的部份喇!!

主頁：本會的最新消息除了會提供將近舉行活動的資料外，還會提供與社會科學學院有關的資料。

幹事介紹：除了介紹本會各幹事的名字和所讀的科目外，亦可在找到各位幹事的靚靚相片!! (係咪全部都係靚仔、靚女呢!!)

本年活動大計：作為本會的會員，當然要清楚本會所舉辦嘅活動。本會全年的活動都清清楚楚寫在此喇!! (記著參加本會活動呀!!)

民主牆：本會的網頁除能為大家提供一些最更新的資料外，亦作為本會與會員溝通的橋樑，會員能透過網頁的民主牆發表其意見，各位 Freshmen 如有空的時候，記得到本會的網頁看看甚或發表意見呀!! 你o地o既意見對本會是非常重要的!!!

福利：「三蛇會員福利特別多」，作為會員的你，當然要清楚自己享有什麼福利喇!! 除了數之不盡的商店折扣外，還有很多其他福利，(如優惠價影印和購買 Soc 紙呀!!) 如想知詳情，記著到這裏看一看呀!!!

體育比賽：本會每年均會參加院制和系制的比賽，而且取得優良的成績。各位不要只看一看本會的戰績，還要參與和支持這些比賽呀!!

各位 Freshmen 都應該知道本會的網頁有多精彩了，現在馬上 Book-mark 這個 web site-  
<http://www.hku.hk/ssshkusu>。 ^o^

## 你要識得「港」

Freshmen, 歡迎你們成為香港大學的一分子, 在這個小社會中, 當然有自己獨特文化。現在讓我們介紹一些在Campus內常常聽到人說的俚語, 希望藉此幫助你們更快溶入這個「社會」中。

哈薯 (形容詞): 來自英文harsh的譯音, 形容某事很困難去完成。

例句一: 三蛇個O' camp 都唔harsh, 而且仲好好玩呢!

啞晒, 啞掉 (形容詞): 形容某事或某人的言行令人感到不知所措。

例句一: 小明成日話自己好靚仔, 唉! 真係啞晒!

底線 (形容詞): 來自英文Bottom Line: 形容某人的行為或所做的事極度惡劣。

例句一: 嘩! 小明唱歌完全沒音o既, 簡直係底線至極點!

屈蛇 (動詞): 指非住hall人士到友人的hall留宿。

勁過 (名詞 / 動詞): "過" 來自英文Pass的譯音, 而"勁過" 解作好勁咁過, 即好多條A。

勁過揮春: 寫上祝福別人勁過字句的揮春。

勁過飯 (名詞): 為祈求勁過而食的一餐飯, 是每一學期尾的盛事。

潛 / 摺 (形容詞): 形容某人經常唔「蒲頭」。

例句一: 小明好潛/摺o既, 搵佢仲難過中六合彩!

SU 唔 SURE 呀: 意即 SURE OR NOT, 問人肯定與否。

例句一: 小琪竟然選到Camp花? SU 唔 SURE 呀?

撻 / 撻皮 (形容詞 / 動詞)

例句一: 你同小明一組做project呀? 咁就慘喇! 佢好撻o架! 冇排你做呀!

例句二: 小明說: 「今日好累, 撻o下皮先!」

食宵 (動詞): 深夜去食宵夜

例句一: 不如今晚去食宵囉!

Mini (名詞): 閣下唔住Hall 而與同學合資租住的單位。

Hair (形容詞 / 動詞): 形容某人的工作質素惡劣或態度敷衍。

例句一: o下! 你咁就當做完? 你Hair我呀?

例句一: 你o岩o岩起身呀? 個頭咁Hair o既?

上庄 (動詞): 投身學會做學會幹事。

十仔 / 底線飯 (名詞): 指莊月明文娛中心4樓美心快餐店只售10元的飯盒。是窮人的必然之選。

Re-U (名詞): 來自英文Reunion。指大家去完O' Camp 或 Tour 後一起重聚的場合。各位Freshmen, 去完O' Camp後, 記得搞Re-U, 不要失去新相識的朋友呀!

食tea (動詞): 食下午茶,

例句一: 四點幾啦, 不如一齊去食tea囉!

## 團體：

Exco：Executive Committee的縮寫，即學會幹事。

OC：Organizing Committee的縮寫，即非幹事的活動籌委成員。

Freshmen：可解作「新鮮人」，即剛入學的你們。

Current：不再新鮮的學生，即非Year 1的學生。

Final：讀最後一年的學生，通常Year 3的學生。

SU：Students' Union 學生會。

Fac Soc：Faculty Society 院會 HKU有十個，三蛇是其中一個。

Dep Soc：Departmental Society 屬會，三蛇轄下有五個。

ICA：Independent Club Association

SA：Sports Association

## 地名：

大牌坊：位於殷咸道的入口。

開心公園：Main Library對出有一棵大樹的空地，正式名稱是「中山廣場」。

CYM：莊月明文娛中心。

RHT：Rayson Huang Theatre，黃麗松講堂。

拉記/Main拉：Main Library，中山廣場側。

蕭拉：Law Library，梁銑琚樓一至二層

C.C.：Computer Center，邵逸夫樓一樓

撈屎：Knowles Building，紐魯詩樓。

撈屎橋：連接撈屎五樓及拉記的橋，在中山階上面。

玻璃屋：撈屎下面的學務處。

時光隧道：由許愛周科學館至黃克競平台的一條長走廊。

Co-op：學生會合作社，買文具好平，位於徐朗星文娛中心二樓。

Book Store：大學書店，有大量教科書售賣，位於邵逸夫有蓋平台。

Sandy Bay：位於沙灣徑的運動場，搭10號綠色小巴到達。

Flora Ho：何世光夫人體育中心，位於St. John's College對面。

# 你要識做呢!

新鮮人之注意事項:

各位新鮮人，剛剛入到黎Kong U係唔係覺得有好多新奇既事物呢。呢度同中學好唔同，做甚麼也要靠自己。尤其是剛入學，大大小小的事務，好容易有所遺留。因此希望remind下各位啦。

## 1. Check email

Kong U同學每日必到以下網址 <http://webmaila.hku.hk>。輸入username和password就可以check到email既啦。大部分既Kong U活動和資訊你都可以從中知道。

## 2. 選科

每個新鮮人入到Kong U都會收到一本電話簿咁厚的Course Selection Book，同學可以參考佢黎揀科。同學可以用電腦透過student connect選定自己想讀的科目，但切記要快手呀，否則理想的時間就會被人揀晒。社會科學學會學術委員會係8月11日舉行一個關於選科的Introductory Class，幫助同學了解Social Sciences既科目。

## 3. 報宿舍

如果你有興趣住Hall既話，記得揀定你心目中的Hall，在截止日期前交form，並且留意interview的時間呀。

## 4. 買Notebook

同學入到Kong U，可以以一個比市價平的價錢買到一部notebook。咁就方便同學做功課和present啦。

## 5. 申請locker

唔想成日帶住D野走來走去，記得交張申請locker既form到Faculty啦。

## 6. 申請Grant Loan

想申請，就填好張form後到OSA預約個時間，會有專人幫你。但切記準備好一切所需文件以及在deadline之前交form呀，否則就有排等啦。

香港大學學生會 社會科學學會

聯軍襲中營

礮司灣

八月四日至十四日

女青會青年營

freShmeo「認真」營

八月十七日至十八日

薄扶林傷健營

社科好玩夜

九月 105

8月22日

聯絡熱線: 25403757 / 97222643 搵 Kiki



# 小玲日記——大學五件事???

入到大學之後，常常聽到有人問：「你做齊大學五件事未呀？」究竟甚麼才是大學五件事呢？不如一同看看以下的小玲日記，了解一下大學五件事的意思啦！

9/8/2001

今日係注册入學的日子，我懷著戰戰兢兢的心情踏入 HKU 的門口。步入大學的第一步，心情緊張又興奮，聽到同學們的叫嚷聲令我感覺到大學生活係開心的！

12/8/2001

今日去 o 左三蛇搞的 O-camp，遊戲新奇又好玩，好開心呀！夜間同組爸組媽吹水的時候講到大學五件事，第一次聽到呢個 term，心裏面充滿著疑問……

15/8/2001

去完 O-camp 終於忍唔住向一個 current 打探下大學五件事的意思和來源。原來大學五件事就係大學生享受 u-life 時一定要做的五件事：讀書、上庄、住 hall、拍拖和搵錢。

20/9/2001

去完三蛇 O-camp 之後，我發覺自己突然有了上莊的念頭。以前在小學同中學都曾經有做過班會、學生會等組織，以為大學的學會亦不外如斯。但經過連續幾日傾莊之後，我發現大學的學會和小學中學時的很不同。大學裡面真正的上莊是要全莊上下一心去構思及製作全年的活動，不像以前般會有老師們的幫助。做任何的莊務都要搏盡，親力親為，你付出幾多，你得到和學到的就會有幾多。

4/10/2001

因為家在水圍的關係，我搬了去 hall 住，出名好玩又學到東西。我終於達成了大學五件事的第一件事。返到 hall 就好似自己屋企一樣，hallmate 會互相關心和幫助，感覺好溫馨!!!

5/11/2001


過了兩個的大學生活，發覺周圍的同學都會很努力讀書。但是自己卻不能夠太集中去讀書，可能是時間不足夠而已。因為住 hall 和上莊都已經佔用了我大部份的時間，不過不要緊，我相信自己下學期一定會繼續努力的!!!

22/12/2001 天陰

今天突然奇想，一定要在大學三年裡面做完大學五件事。雖然現在只能夠算是做完其中三件事，但我已覺得我的大學生活很充實了。所以其實有沒有做完大學五件事也並不重要，只要努力去實現你的大學生活就行了！


還有……

朋友，家人……




HKU不算太大，但所謂  
認清校園的每一角  
HKU之設施一





# 識飲識食

初來埗到，係唔係唔知應該去邊度搵食呢？campus內嘅canteen  
唔係美心、大家樂就只有Super Sandwich。食得多都悶悶地，各位  
新鮮人有無諗過原來西環都有好多美食，正在等待你哋去發掘呢！  
現在就介紹一些食肆，等你哋做個識飲識食新人類啦！



## 1) 高野家

啲便當夠晒大份，啱晒啲"發育中"嘅大胃王！

## 2) 西貢越南美食館

呢間"西貢小姐"咁hit，當然要食番啲越南嘢In-In佢啦！

## 3) 真滋味

成日睇出面食嘢，可以去呢度炒吓鑊當食住家飯，啲例湯好鬼正㗎！亞老闊仲好鬼nice㗎！

## 4) Mini Kitchen

食西餐嘅，啲set都ok㗎，得閒可以去豪一豪佢！

## 5) Round d' clock

雖然地方細細，但有西餅食，又有咖啡飲，真係幾鬼有feel㗎！

## 6) Coffee. Book

有咖啡嚟，有西餐食，重有書睇，無論係三五知己聚舊，定係一個人無聊想"攤一攤"，都係個不俗嘅選擇。

7) 美景米線

啲米線好鬼滑㗎! 豬扒餅雞翼米線簡直係完美嘅組合呀! 正!

8) 飲冰室

好多騎呢選擇嘅冰飲㗎! 夏天真係差唔多日日都要嚟打個round消一消暑! 重開到 2:00, 睇晒我哋呢班夜鬼!

9) 新記

嘩! 呢間堅喇! 差唔多係 24 小時嘅魚蛋便利店, 行過硬係要食番串先捨得走!

10) 華發飯店

呢度簡直係住家飯嘅天堂, 重有大大窩例湯送, 睇晒我哋呢班 "底線怪"!

11) 新三興茶餐廳

呢間簡直係百搭茶餐廳, 有齊晒中國四大發明: 粥粉麵飯, 絕!

12) 森記甜品之家

呢間簡直係 K o n g U 學生夜晚食糖水嘅朝聖之地! 記住要去呀! 唔係就out 㗎喇!

13) 英皇茶餐廳

有波睇, 又收得夜, 食宵唔係唔去呢度吓?!

14) 百絲之瀧

呢間日本餐廳嘅特別介紹好鬼底食㗎! 價錢平唔在講, 亞老闆仲好好招呼㗎!

15) 石塘咀街市

呢度 4 樓有個熟食市場, 啲中式小菜炒得好鬼有鑊氣㗎! 夠晒大排檔風味, 就算熟嘅都無計啦!

16) 海南大餐廳

呢間係老牌食店㗎㗎, 最出名嘅就係海南雞飯同理咖哩, 包你食到停唔到口!

17) 加拿大餐廳

嘩! 呢間餐廳嘅 set 好底㗎! 仲有個好大嘅銀幕, 一邊食嘢, 一邊睇電視, 簡直係無得頂呀!

18) b 德記潮州菜館

呢間餐廳好鬼出名㗎! 好多報紙都賣過㗎! 唔係唔試㗎!

19) 聖羅蘭小廚

一句講晒, 平、靚、正! 點都試吓㗎!

20) 可可店

呢間唔止有飯有麵食, 仲有甜品食, 又開得夜, 好多hall友特登打的落去食宵㗎!

# 好來好往

返學唔知座咩o野車？放學出街唔識搭車？以上都係freshmen開學經常面對既問題，希望以下既資料能夠幫到你啦。

返學：

九龍區：

最快捷既方法係搭車去旺角轉香港仔小巴或970巴士。但係要留意既係香港仔小巴同970都唔經東關，所以freshmen就要係高街落車，然後沿興漢道返校園啦。

中環及上環：

新巴4, 46x, 91, 94, 城巴3B, 7, 40M, 71, 90B, 103, 香港仔小巴及專線小巴8均可回校園，但要留意除40M, 103及小巴8外其他的巴士也不經東關，所以同學亦需要沿興漢道返回校園。

金鐘：

城巴40, 40M, 新巴23, 專線小巴10及10A全直達東關入口，但要留意40M在繁忙時間所使用之行車時間會較長。

銅鑼灣：

新巴23, 專線小巴28及31均直抵東關及西關入口。

放學：

九龍區：

最方便當然係旺角VAN及970，但由於在放學時間該兩條路線經常爆滿，所以同學最好到近黃克競之巴士站等車。另外，新巴於1630-1800更會增加970X。由於970X行經山道天橋，故同學必須於黃克競候車。

中環及上環：

所有能從中, 上環回校之巴士均可到達中, 上環。而40M, 小巴8及28則只經中環。

金鐘：

巴士23, 40, 40M, 43X, 90B及小巴31皆能到達金鐘，但要留意43X及90B不經東關而40M由於會行經中環嘅關係，行車時間會較長。

銅鑼灣：

可乘新巴23, 小巴31及28

## 蕭雲雲 主席 認識大學二年級

# 我哋有嘢要講

不知道大家有沒有想過自己理想的大學生活？一年前的這個時候，我正懷著興奮的心情踏入香港大學的門口並夢想著自己的大學生活。不同人有著不同理想的大學生活，你可以選擇努力讀書和發掘自己知識的道路；你可以選擇住 hall，享受多姿多彩的舍堂生活；你亦可以選擇上莊，挑戰前面的困難……當然，還有各式其式的選擇。我選擇進入香港大學就是踏入理想大學生活的第一步。

一年裡面，我雖經歷了不少困難，但亦學到不少東西，亦成長了不少。一個困難亦是一個挑戰，每次要迎接挑戰。付出的愈多，學到的也愈多。不論是讀書、住 hall、上莊、拍拖、交朋友……亦是一個新的挑戰，所以大學絕對是人生的一個轉捩點。怎樣去令人生更加豐盛。第一步，就是要去把握機會實現你的理想大學生活。更加重要的一環，是要去認識更多朋友，以擴大你的生活圈子。人生經歷就是從認識朋友中一點一滴的累積回來的。

若多年之後回顧現在的生活，我亦無悔選擇這所大學，更無悔參與上莊的活動。因為它實現了我理想的大學生活。

你，準備好了沒有？一同和我享受大學的生活吧！

## 黃頌嫻 常務秘書 經濟及金融二年級

嘩！話0廿快又一年啦！這一年的大學生活盡在為自己不同的目標努力著及協調著（讀書、上庄、拍拖、兼職、家人的期望……）。從決定上庄那一天開始，各方面的問題可說是接踵而來，身邊的朋友、家人及庄友都多次勸我要放棄某些互作，最感到辛苦的其實並非體力上的透支，而是發現自己努力地平衡著各方面的表現時，各方怪責之聲仍是不絕於耳的。這種心靈上的打擊才是最叫人洩氣的。我堅持不能放棄任何一方的互作，因為那些都是我曾立下的承諾、都是自己的決定，總相信沒有可能完成不了。每次想放棄時便想：辛苦始終會過去的，但今日一旦放棄，他日若後悔便如何也補救不了。上庄給我最大的收穫是提高了自己的心理素質：其實無論如何去做，總會有不滿之聲，因為每個人都是從自己的出發點看每件事，又何必介意別人怎麼看自己呢？問心無愧便是了，學到的永遠是自己的。

OK！說是容易，但希望對 FRESHMEN 有點幫助啦！



## 蘇敬恆 內務副主席 社經二系級

由又一城賣庄 suit 到旺角 super X 櫃 0 camp T-shirt;

由二零零零年十一月十七日到二零零一年八月九日;

由“主席大會”到“社科嘅 freshmen 你哋好”;

由既燈黃綠青藍紫啡到英美德法俄日意奧;

由 Campaign booklet 到 Go! Snakers!;

由石塘咀街市到南丫島海鮮;

由交職典禮到迎新活動;

由 Freshmen 到 Current;

由 GPA2.1 到 GPA2.6;

由春茗到 pre-camp;

由十九歲到二十歲;

由銅鑼灣到西藏;

由 725 到 704

;

花開花落又一年

### 尋找好內褲一條

- 大小 : 內膽要寬宏, 才能夠大量。  
款式 : 敢於創新力求進步。  
質地 : 堅韌有餘, 能抵禦強勁壓力。  
耐用程度 : 長期使用亦無磨損, 點用都唔走樣, 襟著非常。  
柔軟度 : 剛柔並濟, 能屈能伸。  
透氣程度 : 爽爽快快, 晦氣晦氣立即消。  
用途 : 富而不華, 樽盡承擔。

如有拾獲, 請即致電 96220056 或 25403757, 蘇洽, 厚酬。

## 李信盈 外務副主席 社經二系級

大學生活? 今年嘅大學生活實在係好精采。從來都無諗過自己會愛“U”愛得咁緊要, 竟然會愛到成日係學校度過夜。唉! 無計啦! 要睇會na。其實, 我今年嘅生活都幾無聊架! 因為堂又無上, 書又無讀, 淨係成日係度吹水同“hair”。不過, 縱使係咁, 但係見嘅嘅嘅, 識嘅嘅嘅同 experienced 嘅嘅都多咗好多。所以, 我都會好鼓勵大家好似我咁, 去上咗下莊或者參加多咗活動, 同埋去玩多咗嘅嘅。

# 歪理歌 財務趣書 社科二年級

「光陰似箭，日月如梭」！真係想唔講一講呢句“姐”嘢都唔得，眨下眼就過咗一年，話0咁快就Year 2喇！真係有啲唔捨得唔再係freshman嘅感覺，最重要係攞到我好似好鬼老0咁咁嘛！諗番睇呢年裡面，真係有好多好難忘嘅嘢，包括讀書啦、屋企啦、當然唔少得嘅就一定有上庄啦！就等我這樣這樣同大家講啦！不過大家千祈咪覺得睇先好囉！

首先講吓讀書啦！嘩！呢樣就堅喇！我諗我原全庄讀書至“撻皮”個個喇！我上堂嘅出席率簡直係近乎零！考試個時就淨係靠人哋notes，我都知自己衰㗎喇！所以我已經下定決心，出年一定要比心機讀書，我仲發散晒風聲話比人知下年淨係會喺library見到我㗎咋！連電話都會cut埋㗎喇！(So B:「係咪真先?! 係就唔好咁喇！送你部電話比我啦！我部電話壞0左na…….話晒都幫你寫咗成行嘢，原係應該多謝吓我先…….」)比條友“R”講咗成段「水蛇春」長，重要我幫 打埋個度先夠頂頸!! 好！等我入番正題先！點知哋班衰野竟然唔信我嘢！好！我就要做比你哋睇！放心，我會努力㗎喇！

跟住就要講吓屋企喇！小女家有一父一母，一姊一波波！Sor呀！波波即係我隻狗呀！(So B:等我“R”講返幾句先，內褲好！內褲勁！內褲無得頂！VEAH!) 㗎！㗎！㗎！㗎！㗎！又攝位喇！你話啲庄友呀！自從上咗庄之後，真係好少時間留喺屋企，就嚟連我隻狗都唔認得我喇！所以我諗我下年都要改善改善喇！

最後輪都輪到講上庄喇！嘩！呢樣就真係爆笑喇！雖然上庄prep function有時真係幾辛苦，但就真係好鬼開心，因為成大班人一齊，你笑吓我，我笑吓你，時間好快就過！尤其係有我哋“社科陳冠希”同“三害偶像”喺度嘅時候，就真係仲好笑過睇棟篤笑呀！吓！唔知“社科陳冠希”同“三害偶像”係邊個?知唔係就係我哋“人仔細細，但頭腦唔隻”嘅publicity sec 董駿暉同學，同埋“高大有型，撻皮唔停”嘅sports sec Jereny同學咋嘛！加補充少少先，“三害”就係General嘅代表，有我啦，Carol同埋Iris，嘩！呢個簡直完美嘅組合呀！總之一句，就係：上庄好，上庄妙，上庄可以笑到呱呱叫！記住大家一齊嚟上庄喇！

聽我吹咗0咁耐，我深信大家都對我有啲認識㗎喇！無錯喇！我之唔係一個既無聊，又白痴嘅人咋嘛！不過，我包保當你哋見到我的真身之後，會有意外嘅驚喜！因為你哋會發覺我係一個十分無聊，仲十分白痴嘅人！哈！哈！哈！

(So B:讀書又唔見你0咁勤力，吹水就鬼0咁搏盡，……唉……唔呀衰哉……)



**梁鳳琪**

**市場秘書**

**社經二五級**

「請問是否社科新生？請參加三蛇舉辦的迎新營吧！」

這就是去年我在香港大學新生註冊日時經常聽到的一句說話，想不到一年之後便由自己對著一眾新生說。能夠上大學，的確不是一件容易的事，因此有機會便會懂得珍惜和爭取。在第一年的大學生活中，我便決定了上三蛇庄。上庄給我機會接觸不同的東西，更能認識到一班好庄友。然而繁重的庄務佔了很多時間，相對地給予家人及其他朋友的時間便少了，但只要時間管理得好的話，問題便自然不大了。

我很滿意大學第一年充實的生活。新鮮人，入U五件事「讀書，上庄，拍拖，賺錢，住hall」各有利弊，而你又喜歡哪一樣呢？

**夏國強**

**外務秘書**

**經濟及金融二五級**

還記得當初在獲知能夠考入自己理想的科目和大學時的情形，那份喜悅、那份開心，現在仍歷歷在目！——大學的生活是多元化而精彩的，每一個學生都應該盡情追尋自己理想的大學生活，一部份人會努力讀書，一部份人會努力賺錢，而我呢？我的大學生活是一上庄！！

上庄能使我接觸更多不同的人，學習更多書本中沒有獲得的技巧，擴闊我的思維和眼界，現今這個機會正在你的面前呢——

自問有責任感，不怕辛苦，有團結精神的你，快快掌握是次機會。雖然，這不一定是很開心的經歷，但在其中所學的一切，包你受用無窮！！而留意周遭事物和勤力的你，更應考慮外務秘書這個post lei~~~

**張鳳麟**

**時惠秘書**

**經濟及金融二五級**

不經不覺就過了一年，轉眼間又輪到我迎接freshmen的來臨。真的有點懷念當freshmen的日子。在這一年當中，我想我最大的得著要算是我的自我成長。我深深地認識了自己，原來我除了本來的我，我還有很多面，它們都是我從前所不知道的。試問，有甚麼比認識自己更來得有價值呢？所以，雖然上莊用了我很多的時間和精力，但對於我來說還是非常值得的。同學，你認識你自己嗎？或是你想再發掘自己的其他方面呢？如果是的話，不妨考慮下上庄呀！

一年的時間也就這樣的流走了，好像過得很快，有點捉不緊的感覺…。然而，卻又是那般充實！

高中時的我已有跟姐姐穿梭於港大每一角落的習慣（常常來此讀書嘛！勤力的學生！Yeah！！），對於大學之生活，簡直瞭如指掌，無一不知；什至，交的朋友亦是姐姐的同學，幾乎連自己也當自己是個大學生。不易的，終於考進了心目中的港大…。順理成章，我去盡力爭取每一個學習之機會：上庄，住hall，搞活動，參加各大學會，交流團…。漸漸發現，一切，比我原來所想／所知的，還多了許多！亦發現，自己學的還不夠。不過，我還會繼續努力！

回想起，這一年裡的大部份時間都被庄務佔據了；我們常說笑：上庄就像斷六親一樣。這當然是有點誇張啦！但的確，與庄友相處的時間比同學，家人，朋友的多；在Soc.房過的時間，亦比在各大講堂，圖書館，快餐廳，和？家？的多。雖然如此，但這卻為是非常值得的。可以這般說，上庄所學到的，是你一生受用的：你會學到做人處世的投巧；與人相處之道；你會有機會接觸各階層人士，和他們合作；你會比一般大學生更了解學校；你會發現，很多你從來未想過的事情，你也有機會做到！當然，最重要的，就是認識一班與自己一起成長，同甘共苦的好庄友！！

Freshmen！就從今天開始計劃您的三年大學生活吧！這或許是你最後的校園生活！在大學裡，遍地都是學習和充實自己的機會；就好像一個寶藏，只要你伸出手來，就可以隨便拿到。問題是你會不會走出這第一步去拿！不要讓你的三年虛度呀！！

還記得剛到港大註冊時，在黃克競平台受到了英雄式的歡迎。一年之後，便與庄友們一起在梁 琚樓迎接各位新生加入社科這個大家庭。

大學的生活有喜有悲，然而各種的樂趣都要靠自己去爭取。一年級的生活過得比預期中快，而自己在這一年裡改變不少。有徬徨過、迷途過，但這些轉變令我成長了，看得更多，更了解自己。

大學的生活是多姿多彩的，無論是上庄又或者在自己班裡，歡樂總是不絕的。雖然衝突是免不了的，但只要堅持到底，過了最陰暗的日子就可看見燦爛的陽光！

黃駿輝 宣傳班書 經濟及金融二系級

回想起去年八月中放大學榜那天，我興奮得不停高呼萬歲...我選擇了香港大學：它也選擇了我。在這短暫一年的「新鮮人」生涯，我得要向香港大學說聲「多謝」。是它給我成長及學習的機會，我此刻雖然沒有能力捐助大學的基建或研究工作，但憑我對學校一份歸屬感和熱情，也算是對它的一種貢獻。今天，我敢說明天會更感自豪，自豪於我是香港大學的學生，自豪於我有多姿多采的大學生活。

「新鮮人」，不知你們是否自願進入了香港大學，但我都希望你們將有一個愉快的大學生活，比其他人活得更精彩。究竟怎樣才可做到我上述所說呢？那麼就從今天開始，你們要對香港大學產生一份歸屬感，只有這樣的你才願意投入和付出，正所謂「只要肯付出，必定有收穫」。不過投入大學生活有很多方法，例如上座，參與學校或學生組織所舉辦的活動等等.....即使用功讀書，且不停進修，武裝自己亦是投入大學生活的方式之一。不過，我卻堅持多些與人相處，嘗試與來自不同背景的人合作，這必定令你們獲益良多，此外，一班新朋友亦隨之而來，他們會為你的大學生活加添更多色彩。今天我有一班朝夕相對，彼此扶持的室友，且有一班雖不常見面，感情卻要好的 O'Camp Groupmates，當然在大課及真修亦認識到不少朋友。

最後我要祝賀你們進入香港大學這個五花八門的「小社會」，希望你們能盡情享受，令自己在短短三年間彌載而歸。

黃惠琪 福利班書 經濟及金融二系級

講 U Life 呀? 講 Year 1 感受? um.....

Reg day 當日：一踏入 Kong U campus 即時感覺係：「嘩，搞咩呀? 七彩 T 恤大派對呀?」

O'Camp：成組人真係好似一家人 o 甘 ga

開學：十吓十吓唔識路，日日兜大圈行，仲要比室友笑足全年!

上堂：上堂人數好似，恆生指數 㗎!

上座：好恐怖㗎，合理眼都見到室友，發夢都做緊座務㗎!

吃：一日食幾餐 tea，女室友係大食豬扒，男室友係 R 食蠔蟲。

喝：至興牌啤吓會上 CONCOURSE' 嘅' 益力多.....

玩：SOCIAL FUNCTIONS 數目直逼 SSS FUNCTIONS

樂：就算俾人串到嗰嗰聲都好開心㗎㗎~

考試：好 YEAH 㗎，考試前一個禮拜先買 TEXTBOOK。

搞 O CAMP：㗎 ~~~~~



黎家俊

體育秘書

經濟及金融二年級

初初上大學，常聽見人說什麼「入u五件事」，又說五件事很難同時並存。今日，五件事我都做齊，雖然唔係每樣野都做到最好，但我總算五件事都過得自己，而且這一年我過得非常非常充實。就容許我在這裏總結一下我過去一年既生活。

在讀書方面，雖然我兩個 sem 的 GPA 都唔係太高，但係都算過得自己。最起碼都為自己保留左一點堅持，就係功課自己做，雖然唔係份份功課都有好高分，但因為呢一點既堅持，使我真正感到自己有大學學到新事物。

作為體育秘書，我係上庄既頭半年可以講係比較少庄務既一個，原因係我自己 SEC 位既工作會係上庄既下半年先正式開始。亦因為咁，我係呢半年可以做多一點庄務以外既事。雖然話自己無咩有關體育既庄務做住，但係其他庄務一樣唔少野。

別以為住 hall 減少了搭車時間可以做多好多野，其實香港大學既宿舍唔係得過住字 簡單。每個月 sa 既同學都會為堂友悉心預備一些節目，以增進堂友之關係感情。希望結識更多朋友你/妳，當然不會錯過這些精彩節目。

返完五日學，唔好以為可以停下來。除了庄務、功課等著我之外，仲有我份互同我女朋友。

這種非人生活雖然好辛苦，但係正因為這些生活，我既大學生活先得以充實。希望你/妳能好好掌握係大學既時間，試多點新的事物，勿讓青春白過。

陳福雲

康樂秘書

社工二年級



### 尋此中事幹吃三

Jeremy  
So B  
Leung  
Winnie  
Iris  
Anna Corine  
Fai  
Carol Wana  
Dorothy  
Kiki Cindy  
Iman

鳴謝



STROBE®



YODKA ENERGY MIX



SAINT'S ALP TEAHOUSE

意粉屋

“TCBY” The Country's Best Yogurt.




香港視力

HONG KONG VISION

Ortho-K

近視矯正治療中心



Go! Snakers!

# Malaya

## Restaurant

### 馬來亞餐廳

#### 馳名咖喱

咖喱大會飯  
 咖喱雞飯  
 咖喱蝦飯  
 咖喱牛腩飯

#### 各式扒餐

馳名黑椒牛柳  
 洋葱豬扒  
 招牌雞扒  
 蒜香鴨扒

#### 串燒沙嗲

雞沙嗲  
 豬沙嗲  
 牛沙嗲


#### 秘製海南雞飯

#### 大排擋式咖啡奶茶

香港般咸道37-47號1D 地下  
 Shop 1D G/F, 37-47 Bonham Road, Hong Kong  
 電話: 25484980 傳真: 25462738

## 西貢越南美食館

## MISS SAIGON VIETNAMESE FOOD & SNACK



### 越南風味 VIETNAMESE SPECIALTIES

香港般咸道 65 號地下 1A 舖  
 65 Bonham Road, Shop 1A, Hong Kong

歡迎堂食或外賣(到取), 請致電: Tel: 25599063 Fax: 25599037  
 Take out orders welcome, please call:

# 青匯餐廳

## Cafe Greenery

地址：香港西環第三街一百零一號怡豐閣地下十二號鋪

電話：二八五七 二一二九

營業時間：上午八時正至下午八時四十五分  
(逢星期一休假)

特式西餐 配飯或意粉

士多啤梨汁雞扒 青蘋果汁豬扒 西檸汁香煎石班

他他汁吉列龍利柳 薄荷羊扒

傳統中式套餐 配白飯及餐湯或餐飲

中式牛柳 京都肉排

椒鹽豬扒 椒鹽鮮魷 豆腐斑腩

扒類套餐 配送湯及沙律

美國肉眼扒 西冷牛扒 黑椒牛仔骨

以上配飯或意粉或薯菜

咖喱精選 配送咖啡或茶 咖喱牛腩飯 咖喱雞飯 咖

喱牛肉飯 咖喱石班飯

本店特設外賣送遞服務，歡迎致電查詢。



